





Digitized by the Internet Archive
in 2018 with funding from
Wellcome Library

<https://archive.org/details/b30502391>

26
DISSERTATIO INAUGVRALIS MEDICA

DE
SCIRRHO IN GENERE

QVAM
ANNVENTE DIVINO NUMINE
PRAESIDE
RECTORE MAGNifico
CAROLO FRIDERICO
KALTSCHMIED

Philosophiae et Medicinae Doctore

*Serenissimi Ducis Saxo-Vinariensis et Isenacensis,
Consiliar. Intimo Cameralium, Serenissimi Marchion. Brandenb. Culmbac.
et Serenissimi Landgr. Hasso-Darmstad. Consil. Aulic. et Medic. Anato-
miae, Chirurgiae et Botanic. Professor. Public. Ordinar. Comit. Palatino
Caesar. Acad. Naturae Curiosor. Imp. Collega, Acad. Elector. Moguntino
Scientiar. utilium Assessore, Societ. Elegant. et Sublim. Teut. Ienens.
Inspectore, Physico Prouinc. Ienens. Facultatis Medicae Seniore
et p. t. Decano grauissimo,*

Patrono ac Praeceptore omni pietatis cultu venerando

PRO GRADV DOCTORIS

IVRIBVS ET PRIVILEGIIS DOCTORALIBVS

MORE MAIORVM RITE OBTINENDIS


PLACIDO ERVDITORVM EXAMINI SVBMITTIT

A V C T O R

GEORGIVS IACOBVS GLADBACH

Moeno-Francofurtensis.

IENAE, DIE XXIIII. SEPTEMBR. MDCCCLVIII.



LITTERIS MARGGRAFIANIS.

Ad



242

307140

48

SACRI ROMANI IMPERII

INCLYTAE

AC LIBERAE REIPUBLICAE

FRANCOFVRTANAE AD MOENVM

SPLENDIDISSIMO AC AMPLISSIMO

SENATV

VIRIS

GENEROSISSIMIS, PERILLVSTribVS, MAGNI-

FICIS, EXCELLENTISSIMIS, CONSVLTISSI-

MIS, AMPLISSIMIS, PRVDENTISSIMIS,

NOBILISSIMIS ET GRAVISSIMIS

DOMINIS

PRAETORI

CONSVLIBVS

SCABINIS

SYNDICIS

SENATORIBVS

ET

NOVEM EX IISDEM

SACRAE CAESAREAE MAIESTATIS CONSILIA-

RIIS ACTVALIBVS

PROCERIBVS
MAECENATIBVS
ET
PATRIAE PATRIBVS
HANC DISSERTATIONEM INAUGURALE
TANQVAM
MAXIMAE OBSERVANTIAE DOCUMENTVM E
QVA PAR EST REVERENTIA AC
VENERATIONE
D. D. D.
TANTORVM VIRORVVM

CULTOR PERPETVVS AC DEVOTISSIMVS

G. I. GLADBACH

AVCTOR.




DISSERTATIO INAUGURALIS
MEDICA

DE
SCIRRHO IN GENERE.

§. I.



Vulgo *SCIRRHVS* solet definiri per tumorem durum indolentem. Videtur vero, me non inanem vel inutilem suscipere operam, si hanc definitionem accuratiori subiciam examini. Fac enim v. gr. glandulas quas-



dam intumescere, illae mirum in modum vi texturæ tenerrimæ possunt expandi, sine quadam sensatione dolorosa, et ita ut ultimato quoque tumorem durum atque indolentem repræsentent. Si ergo quilibet tumor durus indolens mox constitueret *Scirrhum*, tunc sequeretur, ut hæ glandulæ tumefactæ quoque sint *Scirrhi*, sed quis unquam hoc dixerit? Per se ergo est clarum, alium adhuc characterem distinctivum esse adjiciendum, cujus ope valeamus nostrum tumorem ab aliis distinguere. Experientia, optima rerum magistra, maximam lucem hac in re afferre potest.

§. II.

Hæc enim docet, quod glandulas tumefactas tunc pro *scirrhis* habere soleamus, si diu jam fuerint induratæ & illarum obstructio nunc fuerit plenaria atque jam pertinax. Sic enim v. gr. multi tumores duri indolentes in lue venerea adsunt, illos vero nunquam pro *scirrhis* adhuc cognoscimus, quia non
diu



diu obstruuntur et illorum obstructio nunquam plenaria atque pertinax existat. Subacto et destructo enim veneno venereo per salivationem, durante illa saepe jam evanescunt. Econtra vero si ex.gr. glandulae quaedam in mammis obstruuntur, et jam 3 - 4 et ultra menses sunt induratae, tunc illas pro *scirrhis* teneamus, quia in illis nunc transitus plane est impeditus et obstructio pertinax evadit. Cum ergo viderimus, quod, pro duratione obstructionis, nunc glandulas induratas pro *scirrhis* declaremus, nunc vero non, fuit ex his, quod sequenti modo definitionem *scirrhi* porrigere valeamus, quod nempe sit, tumor durus indolens, glandulas utplurimum pro subjecto habens et ab obstructione plenaria pertinaci dependens.

§. III.

Refertur *scirrhus* inter tumores propter magnitudinem praeternaturaliter auctam, haec autem constituit tumorem (per princ. Pathol.). Durus dicitur



tur a materia stagnante, partes specificè grauiiores continente; indolens vero salutatur, quia materia stagnans vasa neruosa subtilissima comprimit, ex qua compressione spirituum motus in his neruis impeditur, vbi vero hic non locum habet, ibi etiam dolor adesse nequit.

§. III.

Subiectum scirrhi sunt vt plurimum glandulae. Ratio vero, cur glandulae subiectum scirrhi prae aliis nostri corporis partibus praebeant, ex sequentibus patebit:

a) Omnes glandulae possident vasa angusta, immo angustissima, hinc eo magis fluidum, per illas transiens, stagnare potest adeoque formare tumorem.

b) Parietes talium vasorum, in glandulis positorum, sunt magis natura debiles et tenerrimae texture, impetui cordis atque arteriarum ergo non ita possunt resistere, vti resistere debent, hinc eo facilius expanduntur et intumescunt.

c) Omni-

c) Omnibus in glandulis multum feri inest, serum vero est fluidum magis crassum, viscidum, (per Physiol.) possidet ergo multas partes crassiores, hinc eo magis subtiliores possunt dissipari, crassiores vero remanentes dein eo facilius glandulas induratas producere queunt.

SCHOLIUM.

Nonnulli forsitan hic obiciunt, subiectum *scirrhi* non posse constituere glandulas, quia *scirrhus* aliis in locis quoque generatur, in quibus tamen nullas glandulas esse positas scimus, sic v. gr. in Hepate toto die oriuntur *scirrhi*, cum tamen ex anatomia sit notum, quod substantia hepatis non sit glandulosa, sed mere vasculosa. Quod vero hoc attinet, lubenter quidem illis concedo, hepatis substantiam mere esse vasculosam et tamen hoc meum assertum non mutat, medicus enim tantum ad sensibilia et ad id, quod ut plurimum fit, reflectit, sequitur ergo, ut tamen dicamus, subiectum *scirrhi* esse glandulas, quia denominatio a potiori fit.

§. V.

Cum itaque subiectum *scirrhi* glandulae consti-

tuunt (§. præc.) et glandulæ toto in nostro corpore
sint dispersæ, (per Anatom.) sequitur hinc, vt
scirrhus variis in locis nostri corporis, teste quoque
experientia, oriri possit. Mihi vero, in hoc speci-
mine inaugurali, animus est de *scirrho* in genere tan-
tum agere. Deus T. O. M. clementissime mihi vi-
res concedere velit, vt omnia, quæ proferam, cedant
in sui nominis gloriam, mihi et proximo vero
in salutem.

§. VI.

Scirrhus differt ab aliis tumoribus. Si enim re-
uera *scirrhus* esse debet, nullum alium morbum
quendam præsentem comitem habere debet, a quo
dependet. Sic enim v. gr. quoddam subiectum, go-
norrhœa laborans, bubones habet, qui diu iam lo-
cum fixum habuerunt, illos tamen non pro *scirr-
his* declaramus, quia sublata gonorrhœa, ipsi quo-
que auferuntur, aut certe medelam admittunt.

§. VII.



§. VII.

Oritur *scirrbus* aut ex inflammatione prægressa, aut a vitio vel fluidarum, vel solidarum partium.

§. VIII.

Ex inflammatione prægressa facile potest oriri *scirrbus*. Notum enim est ex Pathologicis, quod interdum quoque finis inflammationis determinetur per *scirrhum*. Si enim inflammatio non in suppurationem abit, fluidæ partes magis successiue dissipantur et auolant, partes vero specificè grauiiores sensim magis accumuluntur et ad contactum immediatum magis properant, tunc cohæsiō illarum crescit, & sic tumor durus indolens, *scirrbus* dictus, remanet.

§. VIII.

A vitio fluidarum partium *scirrbus* producitur, si aut quantitate, aut qualitate peccant. Si enim quantitate excedunt, majori quoque celeritate in glandulas intrant & illas replent, ibi accumuluntur

~~~~~

& obstruunt, sicque tumorem durum indolentem ibi perficiunt. Qualitate vitiosa laborantes tunc vel sunt nimis viscidæ, vel nimis acres. Si sunt viscidæ, eo facilius ibi in tam angustis vasis stagnare possunt & hinc obstructionem producere. Humores vero acres parietes vasorum continuo magis stimulant & irritant, viasque sic angustiores reddunt, unde obstructio necessario sequi debet. Partes vero solidæ tanquam causa *scirrhi* accusari possunt, si in illis quædam resistentia imminuta fuit, producta, & quidem

1) per vim quandam externam, ut v. gr. si quædam glandula, quocunque loco demum sit posita, comprimitur, illo in loco cohesio imminuitur & ejus fibræ dein magis expanduntur, intumescunt & nostrum formant tumorem.

2) A nativitate. Notum enim est & a Celso jam dictum, nullum esse hominem, qui non partem aliquam præ ceteris habeat debiliorem, hinc quoque facile contingere potest, ut apud hocce

vel

 vel illud subiectum, glandulæ ejus sint magis debiles & hinc ad expansionem eo aptiores.

3) Per emollientia antea illo in loco adhibita, ibi enim, vbi talibus emollientibus vsi fuerimus, cohæsiō ex parte imminuitur & quo diutius illis continuatur, eo magis resistentia fit imminuta.

§. XL.

Cum itaque *scirrbus* sit tumor (§. antec.) et tumores sint morbi malæ conformationis & quidem magnitudinis vitiatæ qualitatisque mutatae (per Patholog.) sequitur nunc, ut dicere possimus, scirrhum esse morbum malæ conformationis et quidem magnitudinis vitiatæ & qualitatis mutatae. Vbi enim obstructio, ibi adest impotentia, & ubi figura hujus vel illius partis est mutata, ibi adest qualitas mutata,

§. XI.

Noster tumor cum aliis tumoribus in eo quidem conuenit, quod 1) non illico oriatur, sed successive, 2) quod sit durus, 3) indolens, differt tamen

ab illis, quod non producat ob resistentiam auctam, nec ob erosionem quandam praesentem, alias enim dolor adesse deberet, sed mere ab impetu aucto. Impetus auctus vero producit ab obstructione (per Patholog.) aliquid enim adesse debet, quod in parte quadam stagnat, sic v. gr. si fluidum quoddam stagnat in glandulis colli, tale fluidum viscidum esse debet, verum tamen nulla aut saltem pauca salia continere, alias enim in suppurationem abiret, hinc hoc fluidum viscidum, nulla aut saltem pauca salia continens, aut tumore fiente primum veniat aut antea iam adfuerit necesse est. Illud viscidum vero antea iam adfuisse oportet, alias enim tumorem gignere non potuisset, si vero hoc viscidum iam adfuit, latuit quoque iam causa in humoribus, obstructioni occasionem praebens; Hinc proportio quaedam humorum vitiata, haec vero audit cacochymia et quidem pituitosa (per patholog.). Ex his ergo dictis fluit nunc, quod *caussa immediata scirrhi sit obstru-*
ctio,

Etio, caussa vero mediata proximior cacochymia pituitosa, et quid quid hanc cacochymiam pituitosam producere valet, pertinet ad causas mediatas remotiores.

§. XII.

Ad causas mediatas remotiores referimus res non naturales, naturales, et praeternaturales.

§. XIII.

Ex rebus non naturalibus hic primum in considerationem venit, aer nimis calidus et frigidus. Ille enim serum blandum nimis dissipat, hinc viscidum obstructionem producens, generatur, hic vero transpirationem lædit, depurationes massæ sanguineae impediuntur, sanguis partibus viscidis magis repletur, qui dein eo magis obstructionem producere potest.

§. XIII.

Cibi ratione quantitatis et qualitatis peccantes. Si enim maiori in quantitate ingurgitantur, quam a mensuris resolui possunt, oriuntur exinde cruditates

in

in primis viis, quae dein successiue magis in massam sanguineam deferuntur, illam viscido impregnant et sic obstructio oritur. Qualitate vitiosa laborantes quoque nocere possunt, si sunt nempe vel crudi, vel austeri, viscidi, acidi, omnes enim coagulando, constringendo, viscidum augendo, agunt et sic quoque obstructionem inducere valent. Potulenta quoque nostrum *scirrhum* generare possunt, praesertim si nimia spirituositate gaudent, ut et nimis acida, ut abusus spiritus vini generosi, et alia; augent enim viscidum et obstructionem inferunt.

§. XV.

Motus et quies quoque ut causae nostri *scirrhi* accusari possunt, etsi alius motus decens et sufficiens multum ad sanguinem fluxilem reddendum et conservandum conferat. Si enim est nimius et praesertim mox post prandium institutus, serum blandum nimis dissipatur, chylus crudus non satis et rite praeparatus ad massam sanguineam deferitur, qui dein viscidum

parit



parit atque hanc ob causam quoque obstructionem et nostrum tumorem. Quies nimia, quatenus motum sanguinis progressuum ac intestinum imminuit, se- & excretiones non rite succedentes ac sanguinis depurationes impeditas, producit, eo facilius dein obstructionem et nostrum morbum gignere valet. Pari fere modo somnus nimius quoque nocet, impedit enim se- et excretiones, viscidum itaque auget & obstructionem producit. Vigiliæ nimiae partes spirituosas, subtiliores, resoluentes, e Massa sanguinea fugant, crassiores sic augentur & obstructioni porta aperitur.

§. XVI.


Præsentiam *scirrbi* quoque accelerare possunt, excreta atque retenta. Hæc autem sanguinis copiam augent, depurationes itaque non rite procedere valent, unde obstructio et *scirrbus* sequitur. Illa vero decentem humorum quantitatem imminuunt, hinc viscedo & vasorum obstructio inducitur. Animi pathemata hic quoque considerari merentur. Exagi-

~~~~~
tantia enim, siue quæ cum motu progressivo humorum fortiori sunt combinata, dissipant serum blandum & particulas subtiliores, crassiores sic accumulantur & viscidum, obstructionis causa, auge-
tur. Concentrantia vero, siue quæ cum circulo sanguinis imminuto magis sunt conjuncta, eosdem produciunt effectus, quos somnus & quies nimia efficiunt.

§. XVII.

Res naturales, ut ætas, habitus corporis, temperamentum, vitæ genus, sexus, & dispositio hæreditaria, corpus humanum quoque multum determinant ad morbos. Inprimis vero nostrum *scirrhum* possunt efficere, quæ sanguinem magis viscidum reddunt & valis obstructionem conciliant. Hæc sunt præsertim temperamentum cholericum, melancholicum, phlegmaticum, vitæ genus magis laboriosum & nimis sedentarium, ætas virilis, & sexus sequior.

§. XVIII.



§. XVIII.

Ad causas denique mediatas remotiores referimus res præternaturales. Ex his præsertim nocere possunt, quæ massam sanguineam minus fluxilem conseruant & quæ vasis compressionem quandam inducunt, ut v. gr. inflammatio prægressa, tumores alii &c. Si enim v. gr. tumor alius adest, comprimit ille vasa vicina, impedit ergo in illis circulum liberum, obstructionem sic gignit et novis tumoribus ansam præbet.

XVIII.

Cognoscitur vero noster *scirrhus* ex tumore duro, plerumque mobili et sub initium indolente, qui vero brevi tempore non digeritur aut suppuratur, sed successiue magis magisque indurescit.

§. XX.

Scirrhus nunquam periculo vacat; præsertim talis, qui in visceribus nobilioribus habet sedem. Ille enim partim resoluentibus et diluentibus, circulo sanguinis jam alteratis, non immediate potest aggredi, partim



quoque manui chirurgicæ, ad illum, si dolere incipit et hinc exulcerare velit, extirpandum, accessus plane, denegatur. Si vero in externis hæret partibus & exactissima obseruatur diæta, talis tumor per multos sæpe annos protrahi potest, quia hic quoque ejus matura extirpatio locum habet, non est tam periculosus; si e contrario multis atque incongruis medicamentis tentatur, ut v. gr. fortioribus solventibus atque emollientibus, citius in exulcerationem abit. Quo diutius vero hujus tumoris obstructio jam durauit, eo minus erit resolubilis et eo certius ultimato, si alias non in tempore adhuc extirpatur, ad cancerum concludere licet.

§. XXI.

Omnibus nunc, quæ ad theoriam *scirrhi* pertinent, explicatis, pro virium mearum tenuitate, restat adhuc, ut proferam remedia, quæ adhibenda, si resolutionem illius producere velimus. In remouendo igitur nostro morbo, reflectamus necesse



cesse est, vt qualitatem sanguinis vitiosam, quae ex caco-chymia pituitosa tanquam causa mediata proximior oritur, (§. II.) auferamus. Si itaque sanguinis fluxilitatem naturalem restituere volumus, necesse erit, vt partim vias et viscera obstructa reseramus, partim materiam ad transitum aptam reddamus. Efficere hoc valemus, si medicamenta in vsum vocamus et bonam atque exactam praescribimus diætam.

§. XXII.

Obstructio itaque glandularum siue nostri tumoris requirit, vt sanguinem viscidum diluamus et resoluamus et vasa obstructa iterum reseramus. Optime hoc praestant infusa et decocta ex radicibus, herbis, floribus, et lignis resolventibus parata, vt ex radice sassaparillæ, scrophulariæ, vincetoxici, iridis florentinae, Caryophyllatae, Taraxici, Pimpinellæ albæ, Apii, Helenii Carolinae &c. Herbis Melissæ, Rosmarini, Capilli veneris, Adianthi albi, Salviae, Betonicae, Veronicæ, hepaticae, linguae cervinae,

serpilli, Hyssopi, Hederæ terrestris; Floribus Bellidis, Buglossæ, scabiosæ, Anthos &c. lignis Sassafras, Quajaci, Fraxini, Juniperi, Cort. Culilaban, Capparum Winter. Thymiamatis, Cascarillæ, Aurantior. immatur. Citri &c. Semine anisi, foeniculi, bis ter in die usurpata. Et horum infusorum atque decoctorum usus eo melior evadet, si quovis triduo vel quatrinduo interjecto idoneum purgans mercuriale interponitur, vel quoque ex Pillulis Gummosis Sylvii, tartareis Bontii, vel ex 15. pill. Beccheri, vel Stahlî et 15. laxantibus, quia sic magis viscidum blande resolvitur, obstructio reseratur, et resolutum simul leniter evacuatur.

§. XXII.


Hic conducunt quoque pulveres temperantes, resolventes, aromatici, et conflati ex Lapid. 69. Nitr. depur. Arcan. duplic. ♀ Olato, ☉ absynthii Seignette, cent. min. fuliginis splendentis, ☿ fœliata, ☿ Cinnab. nativa, Radice Ireos florentinae, Pimpinell. Zedoariæ, Galangæ, Calami aromatici,

§e stomach. Quercetani, Solar. Zellenf., Epilept. March. Pannon. rubr. specif. cephal. Michaelis Specier. diagalangæ, diaxyloaloes, diacinamomi, diacardamomi, diacubebæ, adiectis aliquot guttulis ʒi. dl. ut ʒi. dl. fl. uvæ, cajeput, ligni sassafras, Macis, Caryophyll. Cinamomi etc. ad virtutem resolvendi adaugendam. Præterea cum his infusis atque ʒibus quoque possunt assumi, omnes Essentiæ aromaticæ, amaræ, resolventes, ut Ess. lignorum, Cortic. aurantior. Pimpinellæ, Canellæ albæ, Millefolii, scordii, Amara Hallensium, Gentianæ. Ra antimonii, antimonii ʒfata, ʒ, liquor Viræ fol. ʒri, tanquam saponaceum et optimum in hoc viscido resolvens, à guttis XL ad LX mane cum infuso ex his parato propinari potest. Ad bonum chylum præparandum novumque viscidum sic magis avertendum, tempore prandii ita dicta Elixiria stomach. in usum vocari possunt. Hæc parantur ex Extractis amaris, ut Extr. Cent. min. Cascarill., Millefolii, Absinthii & in ʒis convertentibus, ut ʒcinam, Melissæ, Menthæ soluuntur.



§. XXIII.

Omnia saponacea, quæ propter Θ et \ddagger subtile quod possident, potenter resolvunt, magnam quoque hic præstant utilitatem. Hinc omnia amara et amaricantia hic conducunt, ideoque commode Elix. stomach, §. præc. descriptis, ad virtutem resolvendi augendam, 3ss de felle tauri siue Lucii piscis adjici potest, vel sapo Venetus in forma Pillul. redactus et in illis propinatus, siue $3\text{ss} - 3\text{ijss}$ in ∇ a communi solvere et cum grano salis porrigere, optimum in hoc casu præbet resolvens et aperitivum. Nonnulli quoque hic valde laudant gem millepedum à ss . - ssj datum et cum grano uno vel altero mercurii combinatum, qui viscidum omnino potenter resolvit, sed tamen cum eo caute esse mercandum arbitror, quia alias facile, propter Θ ia caustica in Millepedis latentia, stimulum, rarefactionem majorem et hinc eo citius scirrhi exulcerationem producere potest, si vero illo utimur, regimen probe est ordinandum, ut nempe spatio dierum aliquot elapso Θ ia
super



superflua iterum evacuentur, ne fiant concentrata, et quidem per transpirationem insensibilem auctam, aut per lenia laxantia, alias enim eo facilius dispositio atrabilaria, causa canceri proxima, sensim invitatur. Pulvis radiceis ari cum mercurio quoque usurpari quidem potest, hac tamen cum conditione, ut Radix ari adhuc sit recens, alias enim Θ ia Δ ia resolv. subtilia, quæ virtutem resolventem constituunt, amisit, et tunc magis obtundendo, ut mucilago, quam resolvendo, agit.

§. XXV.

Venæsectio in pede præsertim, Plethora adhuc præsentem, optimum quoque præbet auxilium, tam curandi quam præservandi fine. Viscidum enim simul magis evacuat e vasis, hæc dein magis suam constrictionem exserere possunt, & viscidum reliquum diluere & propellere, motus frequens corporis & imprimis equitatio hic non sunt negligenda. Per illa enim viscera depuratoria sic magis comprimuntur

D

&

~~~~~

& in motu conseruantur. Circulus ergo in visceribus infimi ventris magis procedit, se- & excretiones rite fiunt, & chylus magis bonus & rite præparatus elaboratur, & tali ratione reliquum viscidum destruitur novumque avertitur. Diæta moderata ac tenuis hic est suadenda. Vitanda scilicet sunt cruda, crassa, viscida, farinacea, leguminosa, flatulenta, austera, difficulter digerenda, voracitas et ingurgitatio ciborum, præsertim irresolubilium, nimia etiam teneriorum beneque idigerendorum copia, aer nimis frigidus, siccus, insalubris, animi pathemata præsertim concentrantia, ut moeror, tristitia, nimia quies, somnum nimium, vita otiosa et nimis sedentaria. Ratione excretorum vero atque retentorum eo enitendum est, ut hæc in ordine succedant debito. Magnam quoque hic afferunt utilitatem aquæ medicatæ, si rite usurpantur, ut Pyrmontanæ, Egranæ, Selterenses, Swalbicenses, Spadanæ &c. quia potenter sanguinem viscidum resolvunt, diluunt, et obstructionem referant atque aperiunt. Pro subiecti
tamen



tamen constitutione vel fortiores vel leniores commendandæ sunt.

§. XXVI.

Externe, pro *Scirrho* nostro eo citius adhuc resolvendo, si internis simul continuamus, conducit imprimis Spiritus vini simplex cum spleniis sæpe applicatus, vel etiam loco hujus Spiritus vini camphoratus & crocatus. Ita et Emplastra resolventia, ut sunt Emplastrum diasaponis, de gummi ammoniaco, de cicuta, diaphoreticum Mynsich. diachylon cum mercurio roboratum, de meliloto, de ranis vigonis cum mercurio &c. calide lateri ægro, sive dolenti applicanda & quandoque cum oleo capparum vel unguento dialthææ calide fricando. Sacculi discutientes, ex Herbis & Floribus solventibus parati, quoque super hunc tumorem durum indolentem imponi possunt. Vapores acidi a nonnullis valde quoque laudantur, & revera sæpius quoque magnam afferunt utilitatem. De quorum usu Excellentissimus, Experientissimus atque Venerandus




PRAESES exoptatos vidit effectus, praesertim quando talis tumor, per remedia antea interna adhibita, fuerit tractatus, ubi saepe contigit, ut dein partes vicinae ita suppuraverint, ut sponte elapsus sit. Plura hac de re in beati HEISTERI *Institut. Chirurgic.* legi possunt. Per laudatum belladonnæ a quibusdam usum, nondum *scirrhum* fugavimus, aliquoties licet experimento innocenter facto.

§. XXVII.

Hæc sunt remedia tam interna, quam externa, quae valent nostrum tumorem, si tantum adhuc dissolvi potest, resolvere. Si vero omnia hæc, ut haud raro fit, insufficientia essent, ut per hæc resolui nequeat, scalpello, si id tuto fieri potest, quando sc. nec locus, nec mali conditio id prohibet, ægri vero ab eodem liberi esse volunt, excindendus. Quod, qua ratione sit instituendum, spectat ad Chirurgiam.

§. XXVIII.

Quod si vero *Scirrhus* extirpari nequeat, aut
ægri



ægri, quod dolendum, exstirpationem ejus admittere nolunt, is tamen irritare, pungere, dolere, erodere incipit, inæqualiter tumet, ratione magnitudinis crescit, venæ circa illum successive magis intumescunt, tum malum adesse cognoscimus, quod vulgo vocatur cancer occultus, quomodo vero tunc sit procedendum, pertinet jam ad canceri curationem et plura ex Chirurgia peti debent.

§. XXVIII.

Coronidis tantum loco aliquot cautelas adjicere animus est, quibus observatis, aut *scirrhus* multos per annos quietus manet, quibus vero neglectis eo citius immo sæpe citissime in statum periculosum cancrosum nempe, ruere potest.

§. XXX.

En! sunt sequentes:

- I. Nullus *scirrhus* solis externis remediis est resolvendus aut curandus. Haec enim internam vitiosam sanguinis qualitatem corrigere et alterare nequeunt, hac vero non sublata, plerumque in peiorem



abit statum. Hinc semper primo ab internis remediis initium est faciendum.

II. A fortioribus imo fortissimis resoluentibus nunquam inchoare debemus, sed a mitioribus, imo a mitissimis, & dein ad fortiora progredimur.

III. Emollientibus & resoluentibus externis, prouti alii tumores tentantur, *scirrhum* aggredi velle summe est periculosum. Haec enim affluxum humorum ad illum magis prouocant, augmentum illius inducunt & sic eo citius ad cancerum illum præparant. Triste mihi, hac in re, notum est exemplum, ubi subiectum quoddam *scirrhus* in mammis fuit correptum, medicamentis vero emollientibus male tractatum, brevi tempore tale experiebatur mali augmentum, vt multis in aliis locis corporis alii noui in conspectum venirent *scirrhi*, & licet varii exstirpati fuerint, breui tamen tempore animam expirauit. Si enim per talia pessime in hoc morbo adhibita, & cane & angue peius fugienda, emollientia, cancer iam apertus est, nunquam certe plenam curationem promittere valemus, tunc enim multum materiae acris, causticae, rodentis, in massam sanguineam est iam delatum & continuo adhuc resorbetur, sanationem quidem hinc sæpe vsque ad punctum quoddam admittit et dein de nouo corrodit, siue saltem
alio



alio in loco iterum exulcerationem producit, quia materiam peccantem hic non ita plane destrueri valemus, si semel in massam sanguineam est resorpta, vti aliis in morbis possimus, etsi hic quoque optima, & in aliis casibus præstantissima, antiscorbutica in usum vocare velimus.

III. Si medicamentis resolutionem *scirrhi* tentamus, semper antea iam æger apud animum constituere debet, vt, resolutione frustra tentata, alias cautissime resoluentibus procedendum.

V. Si cancer vero iam occultus adest, optimum adhuc præbet auxilium, matura eius exstirpatio, si vero ægri hanc concedere nolunt, melius est, vt secundum præceptum HIPPOCRATIS, cancos occultos intactos relinquamus, quia medicamentis resoluentibus, etiam alias optimis, commoti deteriores fiunt & ægros citius interficiunt, cum tamen per medicamenta blande resoluentia ac temperantia & euacuantia per plures sæpe annos ægris vitam conseruare possimus, etsi omnino ultimato sentim lenta mors sequatur.

F I N I S.



NOBIL.

NOBILISSIMO DOCTISSIMO
D O M I N O
DOCTORANDO
S. P.
PRAESES.



Pietatis, morum, litterarum ac vitae admodum compositae praestantia in filio si Parentum gaudium exeat, IV, certe Nobilissime DOMINE DOCTORANDE tandem optimos parentes perfundes gaudio, ut partem quandam tantorum in TE collatorum beneficiorum remunerasse ipsis atque refudisse videaris. En Insigne inter tanta rei medicae Francofurtensium sidera, decus, Excellentissimum Parentem, Patronum et amicum meum integerrimum, cuius vestigia constanter legis, nouum recte splendidae familiae ornamentum, amicos nouum gaudium aegrotos nouum solatium, res et publica et litteraria nouum incrementum sibi gratulantes, en tot omnium bonorum applausum, tot vitae academicae optime peractae splendida testimonia, quot alma Salana nostra alit ciues, imo quot incolas. Maacte igitur Tuis virtutibus, ex strenuis Tuis conatibus ac indefessa diligentia fructus olim percipe vberrimos diuina benedictione indies auctos. Me, qui Tibi obstrictum ingenue profiteor, ad quacuis officiorum genera promptum, dum vixero habebis atque paratum. Vale. Dabam Ienae die XXI. Septemb. M D C C L V I I I I. Entz

Entfernt von Dir, mein Freund, seh ich den Lorbeer
grünen,

Den Dir Hygea heut um Deine Scheitel schlingt,
Und fern hört Dich mein Geist, wie auf der Weisheit
Bühnen

Dein Mund voll Gründlichkeit um ihre Krone ringt.
Heil Dir, geschätzter Freund! dies sind die ersten
Früchte,

Die Dir dein schöner Fleiß, zur ersten Ernde schenkt.
Schon glänzt Dein Glück von fern Dir noch im höhern
Lichte

Genies es wohl, dies wünscht, der ewig an Dich
denkt.

Zu Bezeugung seiner besondern Freude,
bey Erlangung des Doctor-Grades, schrieb
dieses des Herrn Doctorands ergebenere
Freund und Diener

Joh. Christoph Buch
der Arzneiwissenschaft Doctor
aus Wertheim am Main.

MOLT' ILLVSTRE E RIVERITISSIMO
SIGNORE,
DOTTORANDO DEGNISSIMO
FAVTORE ED AMICO
STIMATISSIMO

Faccio grandissima stima del favore e della bontà che V. S. mi fa vedere nell' avermi invitato per esser uno de' di Lei opposenti. Incontro per questo la più piacevole occasione di poter felicitar. La del grado di Dottore, che Lei adesso è per ricevere. La Sua virtù, diligenza, ed applicazione allo studio di Medicina, meritano degnamente quest'onore. Bramo io ardentemente che Dio La faccia godere per lungissimo tempo di questo premio e trofeo così gloriosamente acquistato e riportato con una perfettissima sanità giunta conogni sorte di felicità e piaceri. Sia questa dignità la strada di gaudagnar quantità di altri onori e cariche onorevoli. Niente del resto mi sarà più caro e piacevole che la continuazione inviolabile del Suo favore ed amicizia V. S. sia assicurata che cesserò mai di professarmi conogni più maggior' affetto ed osservanza imaginevole

DI VOSSIGNORIA MOLT' ILLVSTRE
E RIVERITISSIMA

di Giena li XXI. Settembre

M D CC LVIII.

Servitore ed amico umilissimo ed obbligatissimo

C. C. HICKETHIER

Ddo nella Medic.

VIRO

V I R O
PRAENOBILISSIMO ATQVE DOCTISSIMO
MEDICINAE DOCTORANDO
DIGNISSIMO

S. P. D.

G. H. C. B A V M A N N

MEDICINAE DOCTORANDVS

Neostadio-Coburgicus

Opp.

Non mediocrem voluptatem animo capio, quod
TIBI, me TEcum in arenam descendere dispu-
tatoriam, placuerit. Habebis itaque me do-
ctissimi TVI, quod pro impetrandis summis in medicina hono-
ribus initis, certaminis testem magis quam aduersarium. Nil
magis in votis habeo, quam ut, quantulumcunque in me si-
tum est, TIBI gloriae quid offerat, et solidam, quae in TE est,
eruditionem magis cognitam spectabilemque reddat. Ex ani-
mo TIBI gratulor honores, quibus industria TVA, quibus la-
bor indefessus recompensanda sunt. Gratulor Patriae et qui-
buscunque procul dubio multum commodi, solaminis et adiu-
menti egregia TVA doctrina atque experientia in arte medi-
ca praestabunt. Gratulor denique et mihi, cui obtigit arctum
nectere TEcum amicitiae vinculum, quod ut nunquam dissol-
ui patiaris, etiam atque etiam peto. Ienae die XXII. Septembr.
CLO IO CC LVIII.

Quot floridæ miseros ætatis, cymba charontis,
 Vix recipit omnes, mors falce metit?
 Et heu! quam multos lacerans lento pede febris
 Affigit lectis, assaque tabe rodit?
 Sollicita immenso lassatur Hygæa labore,
 Quæ sedula ligat vulnera cruda manu.
TE FAVOR! sancta quem nos pietate colemus,
 IPSI quo nullus carior esse potest,
TE vocat, et capiti decorantia laurea digno
 Induit; ut iuncta vos studeatis ope.
 Nunc est difficilis nigri descensus auerni,
 Nunc morti indignæ prædaque rara datur.
TE capit ægrotans; **TE** valde expectat amicus;
 Exoptat ciuis; patria tota petit.
 Vade! Deus **TE**cum; Deus omnia facta secundet,
 Præstet et incolumes **TE**que **TV**osque! vale!

*Pauca hæc de honoribus, mox atque meritis
 capeffendis, gratulabundus, adicere
 voluit debuitque*

IO. F. BÜHNER

Hilperhusa - Francus

Opp.

Sie

Angenehmer Freund!

Sie sind so höflich mir ein Amt aufzutragen, welches zu übernehmen ich für eine Pflicht halte. Ich bin Ihnen, seitdem ich die Ehre habe Ihr Freund zu sein, zu sehr verbindlich geworden, daß ich nicht eilen sollte Ihren Befehl zu erfüllen. Sie beweisen, daß Sie die größten Ansprüche auf den Doctorhut machen können. Die erste Probe Ihres Fleisses, ist nur der kleinste Beweis Ihrer Verdienste. Ehre genug Ihr Gegner zu sein. Wie sehr wünsche ich sie zu verdienen! Unterhalten Sie, bester Freund! den nachamungswürdigsten Eifer für das allgemeine Wol. Machen Sie Sich verdient um ihre Landsleute, und versichern Sie sich der Freundschaft Dessen, der mit aller Hochachtung

Ihr

Jena den 21. Sept.
1759.

verbundenster Diener ist

A. Bergmann
aus Liefland
d. A. G. B.

E 3

Freund!

Freund, den ich treu befand,

Dein früher Lorbeer grüne,

Den heute Dir Saline

Um Deine Stirne band!

Wirf unter Deinen Kronen,

Die Deinen Fleis belohnen,

Noch heute einen Blick

Auf Deinen Freund zurück!

Hiemit empfiehlt sich bei Erhaltung
der Doktorwürde

Ew. Hoch Edelgeborn

gehorsamster Diener
J. G. Sonneschmied
aus Jena.

D sänge dem Liebling der Weisheit, der sich zum Helden
gedacht,

Harmonisch mein römisches Lied! Himmel, dich fühlte
mein Ton!

Doch ich fühlte genug. Mich ruffet die heilige Freundschaft,
Und segnet in Jubeln den Freund, der mich in Lorbeern
entzückt.

Freund, rühre mich ferner! ziehe zu Deinen wartenden Eltern!
Dir weinet der Freuden Gefühl heimliche Sehnungen
nach.

Hiermit empfiehlt sich dem Hochadelgebornen
bei empfangener Doctorwürde

Dessen ergebenster Better,
Johann Rudolph Henrici

B. N. B.
aus Frankfurth am Mayn.

Welch eine Morgensonne
Streut Frühling, Gold und Sonne
Ins Thal hinab, so mich beglückt?
Wo an des Berges Fuße
Die jugendliche Muse
Dem weisen Jüngling Blumen pflückt,
Der mich entzückt?

Gantz

Sanft fließen, wie die Bäche,
Tiefdenkende Gespräche
Aus meines Gladbachs Mund hervor.
Die Dryas ruft: Er lebe!
Und die geschmückte Hebe
Langt unter jungen Rosenstör
Den Kranz empor.

Freund, dein verdienter Lehrer,
Und Deine heutge Hörer,
Dein großer Kalt Schmied macht es kund;
Wer ist es, der zu heilen,
Und Tode zu zertheilen,
Wer ist, der Seinen Göttermund
Wie Du verstund?

Des hohen Vaters Segen
Walt Deinem Ruhm entgegen;
Wird iugendlich in Dir erkant.
Gieb halbenselte Glieder,
Den Sohn der Mutter wieder,
Und werde Deines Vaters Hand
Im Vaterland?

Hierdurch wolte bei Erlangung der hochverdien-
ten Doktorwürde seine Beifreunde an
den Tag legen

Em. Hochedelgebohrt.

gehorsamster Diener

J. M. E m m e r t
aus Schweinfurt
d. B. A. B.

